



御選宋詩卷第十七目錄

五言古詩八

王庭珪七首

呂本中八首

陳與義十二首

沈與求三首

程俱十六首

陳淵八首

朱弁三首

曹勛三十首


朱松二十一首

御選宋詩

卷十七目錄

朱棹二首

鄭剛中二十三首





御選宋詩卷第十七

五言古詩八

王庭珪

寄胡邦衡兼簡陳僉判黃書記

斯文久寂寞誰應擅雕龍萬事問伯始今復得此公  
濤瀾翻筆舌錦繡蟠心胸平時吐佳句逸氣如長虹  
制策收俊異行當推選鋒元龍湖海士江夏無雙童  
詞彩俱秀出春葩發青紅鏗鏘排律呂純音玉琤琮  
草木吾臭味坐隔神螺峯遙聞出荆產長松想清風  
安得賈餘勇提戈譟其中且願試音響徑須撞巨鐘

寓郡齋過清閼軒與高虞卿夜話

御選宋詩

卷一

王庭珪

一

戶牖鄰清閼深夜客扣關開門見修竹人與竹俱閒  
雨竹窗外響風從屋頭還羨君屏百事讀書蒼翠間  
刺口談治亂筆挾風霜寒更覽珠玉文洗我氷雪顏  
歸來興未盡危坐聽珊珊

秋夜西園獨步

清夜遊西園竹影亂秋月穹色湛虛明林光益竒絕  
人閒睡正著那知此時節坐觀衡陽移領畧風煙別  
沆瀣洗天宇一飲醒毛髮氣與南山高青蒼助施設  
池塘收綠淨星斗轉空闊微雲點太清須臾亦自滅  
明朝問此境勝處不可說却恐雞三號開門走車轍

題禾山蕭秀才卧雲菴

江南山盡頭氣狀頗英淑禾山倚天開蒼翠滿林麓扶  
輿磅礴起橫斷湘江曲中有隱君子結屋在深谷未放  
雲出山蟠雲卧幽獨暮簷青潑眼遠靄寒山竹景色嘉  
有餘幽人夢初熟起看柱礎潤山前兩應足

題洪覺範方丈

曲徑通禪房闕戶得佳境適從闌闌至頓覺耳根靜古  
木含蕭森寒梢發光景牆圍數竿竹中藏大千境月從  
天上來入林散清影爐焚薰佛香盃注浮雪茗客散羣  
動息茲焉發深省

遊貢遊洞

竄身楚西極幽竒頗窮歷况此古道旁橫天竦蒼壁何  
御選宋詩  
卷一 王履圭 呂本中  
二  
年始開鑿工如鬼鑿刻飛空數百丈突出清鯨額那知  
風雨時雲雷升窟宅事跡隨渺茫探討失圖籍豈無高  
世士於此煉金液不能久徘徊上馬空歎息

江亭候施倅醇翁阻水漲作詩寄之

夜雨漲溪碧天明望歸舟飛帆出木杪浩蕩兀中流洪  
崖仙人姿謂落滄海遊興盡却回棹待此霖潦收抱琴  
出竹迎倒披翠雲裘風濤正可久煙波生暮愁

呂本中

同諸子遊城東園

昔聞城東園欲往常不歎今來天氣佳茶甌起衰嬾杖  
藜出門去如膜開病眼木葉犯新霜瓜田帶餘暖川源



疑有無風雲遞舒卷不期魚鳥會偶逐鷗鷺遠淺水亂  
菰蒲荒亭芊苔蘚青山近在望更悟秋意晚同行二三  
子詩語各蕭散不愁罰觴難苦恨白日短千秋高陽池  
令人憶山簡

雨後月夜懷沈宗師承務

雨雲攬江色偃蹇破昏睡千花閉紅紫妙見一室內披  
衣行夜永明月在船背微風過蕭瑟古柳立蒼翠儵然  
一蒲團堅坐覓詩對我生無南北所到意趣遂孰知十  
年遊保此清淨退頗念城北人結友老松檜漫隨長鋏  
歸甘作短檠棄出門萬里塗已駕安得稅何當持被來  
把酒相就醉

御選宋詩

卷二 呂本中

三

宿楚丘懷石子植顏平仲趙才仲

暮行楚丘北適與寒雨會旅舍一尺泥又乏芻秣費故  
人渺天涯客子初夜至披衣附殘火煮茗當晚饋昏昏  
傍孤枕悄悄入清睡向來談笑聲已若異世事但覺舌  
本間尚有宿酒味鴻鵠乘秋風意在網羅外強飯無多  
談此語敢失隊

春風

春風隨長江一日行萬里蕭條起岷山歛忽度揚子江  
南千酒樓春風樓上頭金樽開翠幄青帘吹客愁長堤  
二月暖寒溪千古流紛紛桃李花處處作芳華不見梁  
間燕空悲王謝家



洞庭

嘗聞洞庭湖秋至清皎潔往來八百里長風駕明月中  
有仙人居容顏若冰雪我願從之遊問渠傳寶訣冠  
卷霞佩長與塵世別

河堤

平田接長河眼界起突兀今日並堤行麥隴青已出客  
行不知晚但感此節物新霜被西山久厭塵土没坐懷  
故人面於此見髣髴

離洪州渡西江至翠微寺紫清宮

平明渡西江西山正崔嵬中流欲浪作細雨隨風回促  
櫂赴前浦頗爲風雨催寒沙引細路人家山半隈密雲  
御選宋詩  
卷十一 呂本中  
四  
陰修竹久旱無莓苔晚入翠微寺諸峯環抱來其西洪  
崖居百代所仰懷何年蛟龍怒更擊深山開懸瀑瀉洪  
井噴噫藏風雷客行少休息暫此得徘徊城中二三老  
咫尺不得陪豈無凌風翰邀致山中臺澗水清且寒可  
以當餘杯獨來不敢久恐爲神物猜

送尹少稷賢良還懷玉山

青松在庭檻乃受衆目憐念彼歲寒枝肯爭桃李妍不  
如卧澗壑歲久霜雪前尹侯東州英炯若珠在淵避地  
走南荒因循留瘴煙歸來懷玉山草草屋數椽深居絕  
萬慮讀書欲忘年偶出到城市頗厭塵囂煎揆腸出妙  
語贈我以長篇行潦被注挹朽木煩雕鐫紛紛車馬間

孰能知子賢別歸值短晷肯復更留連我來百事廢鈍  
馬難加鞭清霜粲屋瓦白雲常在天悵望子所居欲去  
無黃緣

陳與義

汝州吳學士觀我齋分韻得真字

狂夫縛軒冕自許稷契身靜者樂山林謂是義皇人不  
如兩忘快內保一色醇偉哉道山傑滯此汝水濱大來  
會闊步小憩得幽欣一齋有琴酒萬事無緇磷不作子  
公書肯受元規塵人言君侯癡我知丈人真月明泉聲  
細雨過竹色新是間有真我宴坐方申申

寄題兗州孫大夫絕塵亭二首

御選宋詩

卷十七

呂本中

陳與義

五

不讀遠遊賦放懷茲地宜雲山繞窗戶萬態爭紛披世  
故日已遠風水方逶迤倚杖夜來雨東山煙散遲人間  
許長史不與此心期

境空納浩蕩日暮生沈澹竹聲池邊起欲斷還蕭蕭丈  
人方微吟萬象各動搖林間光景異月出東山椒門前  
誰剝啄已逝不須邀

夏夜

幽窗報夕霽微月在屋檽手中白羽扇共此夜寥寥六  
月天正碧三更樹微搖緬懷山中景茲夕感路遙長嘯  
送行雲可望不可招夜闌林光發白露濡青條

夜步堤上



旋買青芒鞋去踏沙頭月爭教冠蓋地著此影突兀樹  
寒棲鳥動風轉孤管發月色夜夜佳人生事如髮夢中  
續清遊濃露濕銀闕

休日早起

矐矐窗影來稍稍禽聲集開門知有雨老樹半身濕劇  
讀了無味遠遊非所急蒲團著身寬安取萬戶邑開鏡  
白雲度捲簾秋光入飽受今日閒明朝復羈縻

八關僧房遇雨

脫履坐明窗偶至情更適池上風忽來斜雨滿高壁深  
松含歲暮幽鳥立晝寂世故方未闌焚香破今夕

題崇山

御選宋詩 卷二 陳與義  
短篷如鳧鷖載我萬斛愁試登山上亭却望沙際舟世  
故莽相急長江去悠悠西南浸山影晦明分中流蕩漾  
寶鑑面翠髻千螺浮去程雖云阻茲地固堪留客路惜  
勝日臨風搔白頭衆色忽已晚川光抱巖幽三老呼不  
置我興方未收下山事復多題詩記曾遊

遊東巖

散策東巖路夢中曾記經斜暉射殘雪崖谷遍晶熒鴉  
鳴山寂寂意迴川冥冥乘興欲窮討會心還小停新晴  
遠邨白薄暮羣峯青危途通仙境勝日行畫屏豈獨淨  
一念將期朝百靈不同南澗詠悲慨滿中扃

暝色



殘輝度平野，列岫圍青春。柴門一枝筇，日暮棲心神。暝色著川嶺，高低鬱輪菌。水光忽到樹，山勢欲傍人。萬化元相尋，幽子意自新。蕭蕭夜將久，空明動邊垠。田鶴吟相應，我獨無荒隣。短篇不可就，所寄聊一伸。

西軒

平生江海志，歲暮僧廬中。虛齋時獨步，遡此西窗風。初夏氣未變，幽居念方冲。三日無客來，門外生蒿蓬。輕陰映夕幌，窈窕餅花紅。未知古來士，誰與此心同。

秋月

袞暑推不去，快風喜來過。西榮遲明月，與子聊婆娑。初如金盆湧，稍若玉鑑磨。亭亭停華魄，豔豔舒凍波。夜氣清入骨，奈此光景何。一杯幸相屬，安能廢吟哦。纖阿無停輪，衰鬢颯已多。及時會行樂，無惜醉顏酡。

沈與求

汎舟邨落阻風不能少進而菱梢芡觜繚舳上下篙人病之

艇子掠岸行，水瘦不濡尾。狂飈振疎篷，獵獵鳴兩耳。十篙八九褪，逆勢何乃爾。野芡伺我間，回梢哆利觜。亦有芰浮角，一一肆輕鄙。初欲事幽尋，解纜出疎葦。乘流覓清淺，濯纓助深喜。事有大不然，移頃未離咫。安得望蓬萊，巨艦破潮起。征帆駕長風，一日三萬里。

夜坐感事

沉沉夜氣歸虛堂  
閉深寂孤燈爇餘花  
寒雷韻殘滴醞釀  
萬斛愁感慨一人敵  
何當棄短檠陰山叱鳴鑪

夜書山驛

天寒夜向闌  
月出山更靜  
風露搖青空  
萬象光耿耿  
啼螢泣幽草  
寶鴻度前嶺  
歸來坐孤窗  
松竹舞清影

程俱

雜興

濯濯簷下溜  
刁刁樹間鳴  
蟲號百鳥鬧  
小大各有聲  
聲多不留礙  
響振元無形  
何殊百千炬  
光影各自明  
戎葵向晨照  
日引一尺長  
松栽四五年  
擢幹未出牆  
溥溥露方晞  
借此顏色芳  
各留一寸心  
試待九月霜

御選宋詩

卷一七

沈與求

程俱

八

春鳩一何拙  
社燕一何巧  
天陰逐其婦  
飲啄聊自了  
銜泥亦綢繆  
託此華廈好  
物生固有分  
巧拙均一飽  
穆穆新稟秭  
補此茅屋漏  
問云力田人  
歲事苦耘耨  
終年手足胝  
得此以自覆  
香秔一過眼  
糠覈餘滿竇

過劉姓園居

負郭二頃稻  
並田五畝園  
人生如此足  
安用華其軒  
親戚居南陌  
交遊在東邨  
有酒輒共醉  
傾輸見情言  
三徑雜桃李  
九畦蒔蘭蓀  
黃柑百頭奴  
碧梧萬枝孫  
山供景無盡  
石映溪不渾  
桑麻中饋任  
布刈鄰翁論  
下以活妻孥  
上以奉清溫  
時從赤松子  
亦訪吳市門  
嗟我抱此志  
十年若朝昏  
家山渺天末  
松菊豈復存  
茲園臨官道  
坐



笑車馬奔前山復場圃疏築隨坳墩我來適春穠亂眼  
紅青紛恍然動鄉思夢寄東飛雲

山中對酒

秋容澹青山爽秀雨皆足清溪照千仞空翠疑可掬何  
年顧兔窟桂子隨山腹老香散深林屑玉綴黃粟朝來  
客衣動一葉下空谷客心如棼絲日月共煩促胸中尚  
壘塊陶寫賴新淥要當酒千鍾澆我愁萬斛顧有獨醒  
人儵然倚枯木

送崔閑歸廬山

琅琊山中水韻入三尺桐琅然醉翁操發自玉澗翁流  
泉不成音寫寄十二宮醉翁不可見妙語聊形容嘗聞  
御選文詩

卷七

程俱

九

三峽泉上與天漢通請君記餘響相彼玉珮風此聲倘  
可繼那復有此公  
吾友胡少汲結廬皖公城瀟山有小隱背負紫翠屏前  
臨一溪水可以濯我纓欲分青山半留我谷口耕信美  
非吾鄉翩然遂宵征聞君草堂處亦復占地靈虛簷倚  
蒼崖下有玉澗鳴樂哉不可到因君懷友生

遊善權寺

放舟荆溪上溪水清且徐雲中離墨山慘淡初有無捨  
舟並松麓下直浮屠居榻來東軒上爽氣已有餘飛來  
定何年無乃與此俱奔流漱庭下比竹梁寒渠山深絕  
凡境物物清以臞蕭森倚巖秀天矯懸崖枯幽禽發寒



唉響振高林疎我行亦良苦却步計已迂解衣卧清晝  
慰我千里劬

子自衢來姑蘇省女兄竟欲歸却行二百  
七十里訪江仲嘉於宜興故有却步之句

### 善權洞

嘗聞包山境中有林屋天旁通號地脉嶽瀆潛鈞連茲  
山豈其類頽洞皆中穿二巖岌山足琤淙激奔泉牛羊  
走大石吐受無窮年金堂下石液雪積如烹煎從來米  
鹽稱浪播俚俗傳一洞啟山腹穹窿亦聯綿誰題九斗  
字大篆仍深鑿中藏丈五石屹若龍騰淵回頭問主人  
我輩定不凡云何逐官牒常得我所耽向來共幽討九  
鎖藏芝巖而我自林屋翩然游皖瀟洪崖倘可俯不在  
南山南

御選宋詩

卷一 程俱

十

### 張公洞

昔年京江夜飛夢投雲山仍追謫仙老嘯詠層崖巔左  
盼俯無地蒼巒生紫煙當時賦幽賞妙境竟莫宣今我  
來自東扶橈漾荆川飽聞張公洞怪絕駭所傳聊從二  
三子一結青山緣北靈敞竒觀下矚壺中天恍然驚昨  
夢了了隨我前仄徑繚危棧重扃護靈淵竒疆元坂倚  
側洞時鈎穿初疑天台聚納此一室間夸娥運神化不  
隘亦不顛又疑清都客翩然下雲輶幢旄儼行立導從  
森蟬聯丹梯香霧濕玉室珠璣懸撐虛一柱屹戴重三  
能騫鈿竈久已冷青騾那可鞭香壇望八景東晨開五  
便坡陁忽度險宛轉漫無邊或深如列屐或迳纔容肩

高躋乍捫頂，僞步欲墊泉。不知行遠近，一步目九遷。噫  
嘻！此天設端在太古，先恨無少陵手寫之。黃絹篇聊書  
夢中夢，投筆一粲然。

豁然閣

雲霞隨西山，飛帆拂天鏡。誰開一窗明，納此千頃靜。寒  
蟾發澹白，一雨破孤迥。時邀竹林文，或盡剡溪興。扁舟  
還北城，隱隱聞鐘磬。

十月五日集李野家歸作

賢愚孰無營，急景信可惜。如何闔廬城，乃有此閒客。懷  
安豈初志，運甓有餘力。相從無何鄉，邂逅一日適。虛窗  
得朝陽，寒凜作春色。琴書羅棊几，一一淨如拭。畫沙見

御選宋詩

卷二 程俱

二

竒蹤落屑非近識，似追永和還未覺。正始隔崢嶸，衡霍  
囿莽蒼。雲夢澤時華互低昂，幽鳥共深寂。誰驅此變幻，  
戲納方丈域。慚公罄春釀，澆我憂思積。豈無車公語，顧  
匪伯仁匹。長檠蠟華摧，起視霜月白。酣歌美清夜，擁髻  
侍通德。參差吐幽妍，鑿落豔芳碧。觥籌不留行，爲問此  
何夕。言歸謝主人，五斗安可極。

過毛達可友給事覽壁間舊詩次韻

黃華非不佳，寒淡每見少。蕭蕭亦無言，懷抱不自曉。深  
嫌小桃夭，欲伴霜松矯。窺叢慰寂寞，時有南飛鳥。主人  
眞賞竒，灌植勤便了。徘徊傍東籬，高興在塵表。坐有白  
頭生，臨風百憂繞。



秋雨

細字忽難讀松窗失朝暉開簾視天宇屯雲凝如鷺霏  
微乍噴灑翕忽看淋漓斯須建百川中庭即方池秋雷  
亦動地勢洶萬鼓聲虛簷忽無聲蒼狗變白衣飄搖露  
穹碧涼颯洗蒸炊雨師真解事作止適所宜

卜築西塢

和柳子厚  
南澗中題

出處初漫浪淹留失佳時時英盡珠璞寧復見誰差一  
去四十年伏櫪久已疲幸此歲將暮穿雲弄清漪窈窕  
煙塢中蒼陰晝森垂茲焉寄茅屋橫仄任所宜谷口斲  
杉竹柴門畏人知誰言一丘壑倘與汗漫期

陳淵

御選宋詩

卷一

程俱

陳淵

三

春雪

陰風度嚴切密雪紛如霧虛窗覺逾明臘紙黏飛絮文  
書不挂眼對榻聊箕踞春愁暗乘人息息出非慮門前  
亦有酒官禁不可酤永懷傲江湖何當脫羈馭

令德送余都門外眷眷惜別余恨不欸作詩寄

之

行人不忍別遇酒輒醉倒僕夫怪何遲謬應行亦好憐  
君如弟兄每見開懷抱天涯重分攜祖席都門道城頭  
傾落日酒盡迹還埽留連意雖勤晤語終草草君如汗  
血駒千里未脫阜我若隨波魚圍圍依寒藻去住各有  
謀聚散初不保惟餘一寸心耿耿遲君老



自入襄城即有山水之興路中稍有賡唱因呈  
導道

風沙久迷神山水忽照眼鱗鱗碧玉甃疊疊青螺縮人  
煙盛樂土草樹亦精產雲霞入杳冥禽鳥度杯醜放情  
千里迴悟意一笑莞胸襟得奇趣酬唱出新撰蟲魚怯  
嘲諷文史困鳩倂我詩寔易成淡薄非佳饌君辭頗簡  
出嚴絕類燒棧自應即退縮強爾取驚報微言固可錄  
狂論猶未刻勿使俗人知歸途畏書簡

和向和卿嘗茶

俗子醉紅裙羶葷敗人意花蕘烹月團此樂天不畀諸  
公各英姿淡薄得真味聊爲下季隱不替江湖思輕雲  
御選宋詩

卷十七

陳淵

三

落杯醜飛雪灑腸胃笑談出冰玉毫末視鼎貴我作月  
旦評全勝家置喙傳聞茶後詩便得古人配誰能三百  
餅一洗玉川睡御風歸蓬萊高論驚兒輩

小軒觀月呈興宗叔

茅檐手可攀修竹出簷上寒蟾漏疎明碎影羅屏障情  
知月色好達覽在虛曠東家富池臺端居不能訪山林  
足寓目細大初無相但使人心安景物自清暢霜風中  
夜作曲沼金翻浪禽鳥斷飛鳴杉松起酬唱燎爐宿殘  
火尚可溫新釀數杯遣沉冥萬慮一時放誰能外形骸  
於世無所仰晤對一亭間頽然齊得喪

東家謂佚  
老堂也

小軒閒題

舍南舍北梅牆裏牆外竹道然寄其間不見一物俗東  
風將小雨夜漲春池綠俯檻數龜魚仰簷送鴻鵠交情  
石投水坐客冰照玉從容得此生已矣萬事足誰言南  
軒小正可陋華屋但恐世故櫻不容長處獨

過淮

天高秋月涼風定秋水清扁舟淮海間愛此一葉輕微  
生久羈旅艱險已飽更經今幾往來始見波浪平篙師  
且停櫂莫遣魚龍驚吾行欲安之要待東方明

越州道中雜詩十三首

錄一首

浮雲作秋陰細雨如朝霧放形山水間意適無艱步忽  
遇古招提空翠森回互倚杖聽泉鳴悠然不能去

天姥寺

御選宋詩

卷十七

陳淵

朱弁

十四

朱弁

北人以松皮爲菜予初不知味虞侍郎分餉一  
小把因飯素授廚人與園蔬雜進珍美可喜因

作一詩

吾老似出家晚悟媿根鈍滋旨却羶葷憚悅要親近偉  
哉十八公茲道亦精進舍身奉刀几割體絕嗔恨鱗皴  
老龍皮鳴齒溢芳潤流膏爲伏龜千歲未須問便堪奴  
筍蕨詎肯友芝菌跣趺得一飽萬事皆可擯侍郎文懿  
後落落衆推俊淡然世味薄內典得所信香廚留淨供  
頻食不言頓晏然不語草木雷音震得發於此公骨  
髓傳心印應憐持節人餉此爲問訊欲將無上味爲我



洗塵全食之不敢餘感激在方寸

龍福寺煮東坡羹戲作

山寺解塵鞅溪邊有微行手摘諸葛菜自煮東坡羹雖無錦繡腸亦飽風露清鈞簾坐捫腹落日千峯明

秋夜

秋夜雖漸永未抵客愁長秋月雖已圓不照寸心方將心貯此愁真作萬斛量爲月憐此夜誰共千里光空令還家夢欲趁征鴻翔

曹勛

賦洪景伯分繡閣

赤城今屏翰瀕濕浙右同不有仙人居梅溽難從容洪

御選宋詩

卷十七

朱弁 曹勛

一五

山下瀛州一笑除蒿蓬創閣俯江海重簷煥雲空排衙碧璘珣煙霞透玲瓏遙岑與絕壁但覺開青紅愛之榜佳名坐見羣山工萬疊烘曉日六幕泛景風時時與賓僚醉酌黃金鍾誰凭十二闌更賦煙雨中

和仲遠新池

公有靜中趣鑿山俯清深秋風夜雨過飽聞泉石音雲岫冷蒼翠游萍紛浮沉心賞殊不已悠然付微吟

春晴野步

春風搖天宇散策喜徐步樂與二三子綠草池塘路鳩鳴桑柘春川闊牛羊暮眷言益妍煖更約窮逸趣

將至嚴州丘平仲忽舟中見過

念子別我久我心嘗冲冲豈意蘭溪船忽作瀟湘逢一笑出意表相對如夢中子有親庭樂我無塵事籠願言雲水信時寄菰蒲風

次南安務前水亭趙介叔韻

茲亭楚風煙晴嵐獻斜疊我來及秋杪黃花舞紅葉主人喜新論曠覽意並愜明年西郊春會當來日涉

登逍遙閣

廬山

松杉闕琳宮仙君朝帝所神風故靜默人間漫今古地靈驅鳥雀聲聲肅壇宇倚檻夕陽間雲山認歸路

擬古

君有西州役金爐斷夕香虛窗伴幽獨惟有明月光帳

御選尺詩

卷二十七 曹勣

六

深清露寒繡冷雙鴛鴦明發持似君知妾心淒涼

中秋前一日邀賀子忱爲對月之欸乃審放意山林扁舟東去引企不已偶得小詩

積陰埽秋風吹作今夕月山岳四高寒天地一澄徹幽人渺何許應喜清暉發一樽不同樂孤光共愁絕

山居雜詩

卜居得幽勝景物無外沉峯巒環郭郭松竹排園林時時破寂寥脩脩賴鳴禽於焉自有得天籟皆餘音

晚家台山下雲水同一鄉人事講鄰曲雞黍期相當秋風起木杪涼風吹衣裳東家喜見招社甕開新嘗

蓋屋不在華所欲庇風雨種花品無繁四時看開處指



喻多非約日涉乃成趣吾年能幾日景物亦漫與  
萬花烘天容粉色騰雲氣花雲覆臺榭疑若天亦醉杯  
盤多歡賞供帳亦明麗遊人侵宵歸風雨恐踵至  
蓬華久不居乍歸欣故情落葉聚蛛網殘莎鬧蛩聲迹  
與朝市遠夢隨風月清從此眠食閒蕭散安餘生  
邨落闢幽居深靜頗得趣白雲棲簷棟嵐光照窗戶往  
還得隱逸談笑皆舊故不畏歸路遙家家響機杼  
北風號枯桑濃寒堅夜凍關河過少雪意曉來重陌  
上未霑塵山中已成壠雖離南去雁袖手徒目送  
前巖有蘭若委徑宜細履未能學宰堵屢復涉清泚路  
紆疲脚力僧老識茶味策杖趁棲鴉斜陽在林際

御選宋詩

卷十七 曹勣

七

侵晨盥櫛起爽氣隨涼颿曳杖踏露草不覺路已遙水  
清出沙觜煙白橫山腰致爽列羣岫不待西山招  
手種亭下松偃蓋出雲外攀條喜修榦爲我發清吹曉  
庭風瑟縮夜月金鎖碎種久方來歸對之顏有媿  
晨粥山中行落葉響步武委曲訪隱逸清談銷百慮老  
湯淪苦茗宿火煨山芋却照夕陽歸家人不知處  
雲山環所臨煙景日日異山作故人接雲爲得侶計酒  
酣一聲笛梅風四山起清香賸披拂參橫伴邨醉  
晨起冒清露筍輿出城闔原野回舊色花柳搖新春眷  
言山林性常與魚鳥鄰怡然適襟抱自謂羲皇民  
我本汝穎士老隱天台山一瓢顧麤足三謁無厚顏身



與樵牧遠居眇林壑間不爲事物役常對風日閑  
稍稍岸上柳粼粼岸下波晴雲翳遠岫東風扇微和去  
冬有耕植連春無干戈田畷知此意種秫應更多  
幽居歲屢換豪舉欲誰作閒情寡賦詠舊句漫筆削草  
茅晦小隱筍蕨供大嚼不時有佳處悠然動春酌  
下邑常寂寞細履寒溪頭魚蝦腥斷岸橘柚明晚秋山  
色儼晴碧溪光泛澄流相思故人遠應過回雁洲  
雲山貯回腸日月任轉轂客居不問鄉一飽寧較粟家  
釀報浮蟻溪鱗買尺玉以充朝暮槃懷抱無乃足  
素懷繞列岫乃家台山麓人境兩俱絕事物濟所欲芳  
醪徹琰白茗飲淪溪綠對客調玉軫清風入梧竹

御選文詩

卷二 曹勛 朱松

八

小圃養春色乘時不可緩翌鋤常于子成趣須旦旦花  
摘去年種喜供一時翫舉杯付歌兒野服更蕭散  
澤國經炎夏常厭日晷永旣乏枕簟涼亦欠氷雪冷北  
窗但倦卧閒人遠造請時濯醒心泉柳下汲深井  
城居得高勝欄檻俯闌闔斂跡紅塵中游目雉堞外湖  
光浸晴碧若與雲水會漁舟何處來幾點忽隱晦

朱松

曉過吳縣

舟行有嚴程越國常曉發雙櫓兀殘夢起坐窺落月人  
家岸野水霧雨籠邃闥遙憐瑣窗人欹枕聽嘔軋

信州禪月臺上



玉峯點寥廓霄漢疑可梯  
玉水環城陰艷艷方拍堤  
層臺擅二美吾策一時攜  
何當蠟我屐更欲照以犀  
塵勞不相赦竟類窮途迷  
我生麋鹿爾不羨駕輅驪  
向來丘壑懷語發人所詆  
長安黑頭公玉勒朝金閨  
山林出戲言廣已無端倪  
誰收遮日手歸把耕雨犁  
紛紛塵土中等是舞甕雞  
頗聞山水間幽子飯藿藜  
行當踐此語絕境同攀躋

送深師往妙香寺元住雲溪

道人捨幽居誰管溪上雲  
此身自雲耳遑遐南北分  
頗聞妙香山天花雨繽紛  
宴坐丈室間歷亂舊衲紋  
山前路悠悠山後水汶汶  
應觀川途客念我奔走勤  
豈無香火緣他年往相羣  
飽食跛鐙飯稀摘幽澗芹  
當令桃花臺白社掩前薰

送建州徐生

人羈天地間誰非一浮萍  
泛然偶相值便有離合情  
君家武夷下歸路塵眼明  
我生愛山者夢寐秀色橫  
秋風送客去把手更心傾  
亦逢山中人爲我寄此聲

放淵明

人生本無事况我麋鹿姿  
一墮世網中永與林壑辭  
此行獨何事豈不爲寒飢  
弱歲慕古人頗覺世好卑  
那知齒髮邁終然此心違  
春風到山澤魚鳥亦知時  
我行何日休流目瞻長岐  
且用陶翁言一觴聊可揮



用退之韻賦新霽

春泥窘幽步苔上屐痕少新晴一褰衣綠葉藏啼鳥方塘艷宿漲古鏡窺清曉華顛忽自笑綵羽隨驚矯瞻言雲中耕縹緲穹脊繞歸把東臯犁此念何日了

春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許嗟予閉門客佳節過不數不因可人呼那得幽步舉客如山陰勝詩作斜川語誰言一尊酒妙處合千古歸來讀殘書耿耿霜月苦空餘流落心三歎非吾土

秋懷十首 錄四首

秋風來幾日我髮白已多千林了未覺奈此一葉何宴

御選尺詩

卷二 朱松

十

坐閱流光一眇寄庭柯寒蟲獨何者唧唧夜自歌

蒔蘭西窗下蕭艾病其根白露隨秋夕美惡兩不存寂寂芳畹空離離幽佩昏物各信所遭此意誰與論

月林疎愈明露草淨可拭飛飛螢遞照軋軋蟲自織移燈檢書讀千載如經夕微言契夙心妙解久陳迹文章事雕琢回視真兒劇世無楊子雲此理誰見直

甘菊卧風雨枯荷暗池塘達人聽榮悴志士費感傷亭亭巖桂花已作宮槐黃諒無青霞客誰與媚孤芳

和謝綽中觀瀾亭

方塘艷宿漲曲澗來飛湍光涵蔚藍天瀕洞碧玉寬小亭塵土外瓦影浮朱欄霜渚寫秋色煙林養漁竿佳人



秋霞衣皎皎明月冠欲濯且無塵隱几得妙觀海若眩  
河伯等在蝸角端那知坳堂上杯水生濤瀾雲間謝公  
子五字冰雪寒展讀勝圖畫經行記林巒九垓未暇遊  
據殼諒匪安一到定何日眷焉抱長歎

久雨短句呈夢得

身閒書有味吏傲俗不親小窗據物表埽盡心眼塵令  
尹垂珠玉敲門喚行春作意向芳物吾車曾未巾愁陰  
入病骨鳩婦聲亦嗔冥冥三日雨桃李迹已陳空餘深  
枝間一一青子新穠芳殿春晚猶堪慰佳辰醑醪曉妝  
靚芍藥醉臉勻日萼簪嫋嫋風卮倒粼粼言當呼短舞  
抵掌回雙顰年來得相從稍覺安沉淪豈不挂俗事察  
御選宋詩

卷二十七 朱松

主

公極清真眼中醉鄉路風味良獨醇流光不容翫尺璧  
何足珍離俗益可厭願言勤問津

三月十日遊報國院小軒頗幽勝爲名曰雙清  
仍書此詩

千峯收宿雨坐見空翠滴攜筇出城隅試此腰脚力竹  
陰穿窈窕僧戶扣岑寂小軒清樾底盤礴聊自適闖然  
見幽禽百轉深投隙即此與晤歌絕勝眼前客幽懷層  
冰結屬鼻不可釋忽如散春風回首無處覓天遊失六  
鑿真觀了千息乾坤鼎鼎中指馬坐可一不知雙清老  
何者爲心迹持問跏趺人首肯復面壁山煙明欲合歸  
舸兀深碧此心除溪月烟烟誰復識

沙谿口望梨山

衆山如連環平野忽呀口孤峯插深雲氣壓萬培塿區  
區何足傑落落終自負我行清谿曲鶴立倚筇久拂衣  
竟何時塵土坐自垢長梯弄玉井竒字窺响嶼心知不  
能去照水顏甲厚永懷山中人獨立誰與友神交解此  
意長嘯震林阜

中秋賞月

去年中秋雨野蘆淒薄寒驚塵暗一方客枕那得安起  
呼對牀第攬衣步蹒跚握手仰太息宇宙何時寬今年  
中秋月並海窺濤瀾坐看蔚藍天忽湧白玉盤眷言雙  
峯客倚閭念衣單亦復取樽酒承顏有餘歡天涯等牢  
御選宋詩

卷二 朱松

三

落世路方艱難且遵秉燭語毋爲泣河歎停杯翫飛轍  
河漢靜不湍癡兒亦不眠苦覓蟾兔看洲出暗潮落鬢  
衰香霧溥佳句付惠連何時解歸鞍

記草木雜詩七首

錄一首

月桂花

窗前小桂叢著花無曠月月行晦朔周一再開復歇初  
如醉肌紅忽作絳裙色誰人相料理耿耿自開落有如  
貧家女信美乏風格春風木芍藥穠豔傾一國芳根雖  
無恙歲晚但枯枿

奉同胡德耀八月十四日夜翫月次韻二首

我夢故山月蘿影垂秋光誰言九衢曉莽莽吹塵黃羣



公直道山晤語清夜央飛轍轉空閣積暑蘇蒼涼哦詩  
中天律流光惜堂堂雞肥社酒熟吾亦懷吾鄉  
亭亭月初高河漢坐可褰病餘久止酒灑氣兩爭先振  
衣萬里風歸袖何時翩懷哉故山友共此今夕圓離離  
雲飛鴻何意影沉川觀心要知是出處直悠然

巖桂花

開門驚積葉秋氣日以厲獨芳搖落中粲粲巖下桂幽  
芳不自憐怳悵紛滿地未忍蹋殘英何以娛晚歲

中秋夜雨

秋雨定何心忍翳今夕月尚嫌微點綴况迺都漫滅他  
日任氛霾數日望清澈倦投衲子窗行雨聽騷屑對牀  
不成夢有酒那能設螢飛矜意氣蟲語轉幽咽心知層  
陰表皎皎玉輪潔何當凌倒景徒倚翫飛轍

朱棹

雪梅 各一首

去年雪欺客平地一尺深謝遣東閣花那顧西牀琴故  
人初不至屋側乃見尋悠然振衣起誰復明此心  
寒梅卧煙雨山澤有奇氣六龍扶翼之月袂攬雲轡先  
生九疑仙心識真筌秘裁詩作花骨瘦淨乃可貴

鄭剛中

梅花

玉骨透花寒冰壺清露滴暗香驚返魂移自芝蘭側殷

勤置書几粲粲百態出徘徊欲與語奈此雪霜色高標  
邈難親欲疎還不得箇中須有詩苦覓不到筆要須明  
月來託之問姑射

### 修修窗前蘆

修修窗前蘆孤瘦倚青玉心虛知夜涼風葉亂相觸使  
我入幽夢如在江湖宿方茲困炎曦愛爾眼中綠奈何  
柔脆姿行犯秋氣肅霏霏霜露中菱荷等摧覆大抵無  
勁節不及歲寒竹

### 讀坡詩

公詩如春風著物便新好春風常自然初不費雕巧又  
如荆山玉不問多與少傳流落人間皆作希世寶吾獨  
恨造物生我殊不早不得拜堂下朝夕事灑埽追攀邈  
難及清淚出幽抱

### 書齋夏日

五月困暑濕衆謂如蒸炊惟我坐幽堂心志適所怡開  
窗面西山野水平清池菱荷間蒲葦秀色相因依幽禽  
陰嘉木水鳥時翻飛文書任討探風靜香如絲此殆有  
至樂難令俗子知

### 晚邨

暑雨霽餘飛翻溝水鳴玉半規入嵐霧平疇愈新綠時  
有牧歸牛一笛過山曲吾廬附幽深四面蔭修竹垂雲  
下林梢驚鳥自爭宿夜色迫書卷呼童具燈燭



宿長安閘口

天寒雲氣陰地闊江岸敞鼓動風勢狂掀簸浪頭長單  
繩纜扁舟避雨宿深港上有阿蘭若危鈴作孤響一夜  
寃夢寒鄉國勞遠想清霜作朝晴舟師動帆槳

即事

夏木垂嘉陰中夜微雨集晨興涉西園爽氣衣外入側  
身過幽林葉上見餘濕菰蒲暗池塘有鷺如玉立樂哉  
吾此居時平足堪葺

丁未四月與李叔佩還錢塘道浦江井坑嶺賦

此詩

扁舟絕驚濤芒履陟脩嶺躋攀雖小勞窈窕豈人境巨

御選定詩

卷十七 鄭剛中

三五

石開雙關有道細如綆其中漸寬虛闊步隨所逞古木  
垂嘉陰一覆餘里頃寂寂豔山花沉沉晦龍井時有飛  
泉落噴薄珠玉冷毛骨皆清涼反顧發深省麋鹿聞人  
聲駭去山之頂春禽正對哢決起不留影豈知道上翁  
甚愛幽獨景如何蒙鄙外一笑不相領負出前山遲  
疑夢初醒

暑雨

結廬在深寂芳簷蔭松蘿天晴風日溫時有燕雀過今  
茲夏暑雨衡門可張羅永歎復自慰幽興吾亦多

臘月三日義烏道上寄潘義榮

天風生暮寒一夜新雪積遲明兀篋輿亂入山徑窄茅

簷兩三家雞犬不見跡冬令頃弗嚴草木借春色愆陽  
入桃李弄暖浪藥圻肅然變霜威犯者輒衰息獨餘山  
上松不動與寒敵十丈偉標致四面風浙瀝時於翠葉  
中碎挂瓊玉白忘我道路歎但覺心志懌擁鼻作孤吟  
清思浩無極

對月再用韻

團團滿庭月冷浸霜華重何人萬里外與此孤光共摩  
雲度征鴻天闊目難送三杯見妙理一靜服羣動陶然  
夜氣中可以觀幻夢

久雨二首 錄一首

山嵐變濃雲地氣洩冬熱急雨春風顛十日聲不絕舍  
御選定詩 宋十七 鄭剛中

三

中流水入牆外古溝咽塊然簷下雀狀若木雞拙我亦  
類禪定癡坐萬慮歇廚兵忽相報謂已糝藜蕨隨緣就  
一飽再看柏香爇

清明前風雨兼旬城外桃李無在者書室中有  
醪醖一餅置之甚久蓋風雨所不及也爲賦五  
韻

素質吐孤芳柔條敷瘦綠誰將刻楮手作此數莖玉園  
林煙雨多百卉飛簌簌小室偶深靜花意猶清淑置之  
硯席間鼻觀常芬馥

茉莉

嶺上老梅樹歲晚等凡木霜風吹枯枝曾有花如玉茉莉



菉抱何性犯此炎暑酷琢玉再爲花承以數腴綠憐渠  
一種香徧歷寒與燠時於寂默中至意微相屬鼻觀旣  
得趣就枕便清熟夢中見靈均九畹皆芬馥

焚香

五月黃梅爛書潤幽齋濕柏子探枯花松脂得明粒覆  
火紙灰深古鼎孤煙立儵然便假寐萬慮無相及不知  
此何參透頂衆妙入處靜動始定惟虛道乃集心清杜  
老句高韻不容襲餘馨夢中殘密雨窗前急

偶題

軒前有脩竹穿紙入窗櫺清風動搖之壁間影縱橫軒  
後有脩竹山花依以生幽芳吐孤豔不與翠色爭愚翁  
御選尺詩

卷一七 鄭剛中

三

坐其間萬事蠢不萌不識動與靜但覺懷抱清千古媿  
張籍眼明心已盲

靜獨

飲酒或濡首作詩防嘔心疾走欲避影不如常處陰階  
前享明月但鼓無絃琴清風倘相過付之脩竹林一靜  
服羣動萬緣寧我侵

郡治西廳錦被花不爲治架每花開覆地而紅  
或緣他木以升予分其本植草亭之東家僮相  
與栽木於地高七尺許上布圓竹復破竹交加  
之外出四簷如屋之狀通小窗側戶以窺視而  
出入餘皆花地下置一榻一几可以獨酌作詩

以記之云

栽花傍庭砌立木爲花屋小戶虛一偏橫窗置其腹分  
竹接柔蔓尺寸引鈎曲春工直解事夜雨頻澆沃枝條  
日滋榮滿架籠新綠紅淺暗香深揖遜薔薇服此花名  
錦被覆我四圍足比之公孫布豈不堪華縟自慙流落  
人尚此享癡福我欲飲其中亂影交醺醪擁被即長譟  
傲枕眠清熟又欲效王勃醉處先磨墨引此略覆面腸  
胃成機軸染筆起臨風定作花芬馥

王勃每醉先磨墨數升引被覆面覺乃爲文

大暑竹下獨酌

新竹日以密竹葉日以繁參差四窗外小大皆琅玕隆  
暑方盛氣勢欲焚山樊翛然此君子不容至其間清風  
如可人亦復怡我顏黃昏開竹杪放入月一彎綠陰隨  
合之碎玉光爛斑我舉大榼酒欲與風月懽清風不我  
留月亦無一言獨酌徑就醉夢涼天地寬

閨怨詩三首

幽思春雲亂擬向琴中說徽寒錦薦高未鼓絃中絕尚  
有無絃韻或可奏明月堦前望冰輪去去不停轍薄命  
如妾何秋風河漢闊

無心事鉛黛采采菊金黃徘徊欲寄遠雲夢連瀟湘豈  
不懷君子念之不敢忘西隣擊神鼓東隣鬧笙簧二喚  
籬邊英淚落秋風香

晨光入幽戶手織回文書聞古有雙鯉爲人致區區書



成立江邊天寒渺無魚微懷既莫致慘黛何由舒歸來  
更無語悵望庭花疎

正月十一夜燈開雙花

鈇杯壓短檠清膏沃虛草烟烟孤焰瘦吐此雙花好誰  
爲夜氣温暗助春風巧碎剪朝霞紅綠以金粟小或云  
兩玉蟲飛來抱釵杪美人輕燎之要看火中寶我聞家  
道和可以感穹昊門闌將有喜每事吉先兆而我方朽  
衰負戾落南嶠胡爲今夕光熠熠似相報無乃天地慈  
四海施洪造陽和隨根性溥爲脫枯槁吾其得歸與頂  
戴君恩老

御選宋詩

卷二十七 鄭剛中

二十九

御選宋詩卷第十七

御選宋詩卷第十八目錄

五言古詩九

高登一首

張綱一首

張九成十四首

黃公度二首

劉子翬二十八首

羅願三首

鄭樵一首

蘇籀一首

王銍六首

御選宋詩

卷十八 目錄

范浚三首

周必大四首

尤袤二首

范成大三十七首



御選宋詩卷第十八

五言古詩九

高登

思歸

忽忽已秋杪言歸欣有期節物想吾廬青蕊繁東籬流  
匙白雲子蘸甲黃鶯兒對此憶羈旅多應歌式微喜慰  
倚門心愁消舉案看稚子鬧簷隙繞膝牽人衣歸興念  
如許兼程猶苦遲明朝秋色裏烏帽風披披

張綱

次韻國衡

古寺憑崇岡蒼煙蔭喬木敲斜屋鱗比繚繞牆帶束何  
御選宋詩

卷十八

高登

張綱

張九成

一

人關層軒延客寄遐矚醉賞菊坡下客意豈在菊念昔  
居此地名世盡儒服師曠賢多知蒼史聖重目臺成竟  
誰遊事去不容跼梁王高帝孫名字亦不辱當時盛歌  
舞肯使後人逐陳迹今故存新池爲誰綠感歎世上事  
翻覆如轉燭請君聽鐘魚尚想吹紫玉

張九成

山中見柿樹有感

茲山余初來掩冉柿葉青相去未三月柿花亦已零及  
茲尋去路纍纍滿空庭人生豈無情眷眷不忍行嚴霜  
八九月百草不復榮惟君粲丹實獨挂秋空明寄語看  
園翁勿使隋秋風願比櫻桃春置之大明宮

正月二十日出城

春風驅我出騎馬到江頭出門日已暮獨行無獻酬江  
山多景物春色滿汀洲隔岸花遶屋斜陽明戍樓人家  
漸成聚炊煙天際浮日落霧亦起羣山定在不江柳故  
撩人縈帽不肯休風流乃如此一笑忘百憂隨行亦有  
酒無地可遲留聊寫我心耳長歌思悠悠

二十六日復出城

杜門不肯出既出不忍歸借問胡爲爾江山棲落暉濯  
濯漱寒玉青青入煙霏柳色明沙岸花枝作四圍玉塔  
天外小漁舟雲際微興與遠俗情斷心閒人事稀我本江  
湖人誤落市朝機計拙物多忤身臞道則肥所以此勝  
御選定詩 卷一八 張九成

二

槩一見不我違吟餘尚多思白鳥背人飛

十二日出城見隔江茆舍可愛

茆屋臨江上四面惟柴荆綠陰繞籬落窗几一以明門  
前灘水急日與白鷗盟不知何隱士居處復何營朝來  
四山碧晚際沙鳥鳴碁聲度竹靜江深琴調清終攜一  
樽酒造門相對傾心期羲皇上安用知姓名

菖蒲

石盆養寒翠六月如三冬勿云數寸碧意若干丈松勁  
節凌孤竹虬根蟠老龍傲霜滋正氣泣露滋春容座有  
江湖趣眼無塵土蹤終朝澹相對澆我塊壘曾

三月晦到大庾



我登超然臺積雨久不止臺下柳成行掩映盈塘水環  
塘率喬木倒影弄清泚恍如在故鄉西湖古寺裏氣象  
極幽深景物盡蒼翠十年勞夢想一夕居眼底獨坐不  
能去頽然起深思鐘鳴主人歸燭光何焯焯笑語復移  
時夜久余當起歸路夫何如江聲寒玉碎

十一月忽見雪片居此七年未嘗有也

寒色遽如許神清瘦不禁瓦溝聲磔索珠琲亂衣襟斯  
須忽復變玉屑隨前林風勁勢回旋飄飄蔽遙岑落此  
炎瘴地七年到於今不見六花飛况聞寒玉音今年盈  
尺瑞天以慰吾心呼兒具杯盤開樽須滿斟更製白雪  
辭入我綠綺琴

御選尺詩

卷十八 張九成

三

辛未閏四月即事

窮居不擇交賢否那復辨似人輒已喜况復曾半面相  
見且寒温不問風雨變晚來無與遊澄江喜如練攜筇  
信步行屈曲隨山轉數日雨不止衝波頽激箭舊雨已  
不來今雨誰復見甕頭香滿屋吾計今已辦豈復思故  
鄉無事且彊飯

種槿已五載入門幽徑深拒霜偶然植亦解成清陰晚  
涼新浴罷松風披我襟終日岸巾坐閒無人見尋浩然  
媚幽獨發興付瑤琴

寓居城中寺蕭然如深山終年客不到終日門亦關晨  
朝香火罷去履脫危冠飽讀古人書會意有餘歡客有

饋荔枝薦以碧玉盤吟哦更咀嚼未羨朱兩轡絞綃作  
紅皺護此冰肌寒

擬古

山色翠接藍杯中酒如玉飲酒彈瑤琴漫奏流水曲音  
微澹無味絃緩軫不促不須苦求知古人有遺躅推琴  
一長嘯清風振吾屋

秋興

秋意入茆屋杖策登平原落日銜西山一川頓明鮮蕭  
蕭江上竹溜溜巖下泉我生本閒放胡爲此拘拳身世  
兩相違於今六十年勇退未爲怯銳進豈其賢

御選宋詩

卷十八

張九成

黃公度

四

風拂襟裾片月隨籬落嗟我遊已倦悵此久淹泊豆畦  
今已花稻壠行可獲翻思黃卷中古人誰可作田園愛  
潛歸簞瓢識顏樂譬彼鷓鷯心平生在叢薄

多雨偶成

謫居天南陲終年寡儔侶四月山氣行淋漓滿城雨獨  
坐北窗下蕭然無一語睡起復何如雞鳴已亭午

黃公度

還家

黎明呼羸僮拄策渡野水輕嵐翳初日古道步平砥麥  
隴黃四出松竹翠相倚人間春告盡巖色秀未已眼入  
故鄉明語還親舊喜印非朱買臣金無蘇季子竊笑免



妻孥相過動隣里富貴豈吾謀薄遊聊爾耳

謝傅參議彥濟惠笋用山谷韻

北方九月霜實盤無生菜嶺南信地暖窮冬竹萌賣君  
念庾郎貧蠶粟供庖宰中有歲寒姿經時久不壞前身  
渭川侯千畝償宿債珍可配天花賤不數石芥早薤與  
晚菘奴僕望賓介文園酒渴餘想不厭姑嘍預恐吹作  
竹明日東風噫急須驅兒童傾筐攜采采

劉子翬

涼月

涼月未出山浮雲半空白徘徊步軒窗宛若待佳客經  
林漏飛輝映澈生華澤及茲秋景清吾廬更幽寂殊觀  
御選定詩  
卷六 黃公度 劉子翬  
五  
發秘藏妙聽生寥聞營營息初機炯炯懷新得豈無平  
生心所樂已非昔天旋河漢動夜久隣機息淒淒感庭  
蘭歲暮霜霰集呼兒溫濁醪獨酌醉永夕

渡淮

鳴輦渡長淮霏煙散清晨皎皎初日光照耀草木新橫  
林度餘碧疊峰開嶙峋移橈失向背煙波浩無垠兒童  
相掉歌余心亦欣欣輕帆互相踰畫鷁映流津徘徊望  
洲渚悠然獨懷人樵漁有棲遯寂寞誰問隣暮風翻洪  
濤魚蝦亦有神四顧天地黑孤舟恐漂淪

獨坐

獨坐高樓上游觀思無極重門雖晝關遠岫如不隔長

林葉布陰淺澗流波激欣欣物態榮淑氣生原隰幽禽  
感時鳴遶樹飛還集常恐逐驚颿無階戀儔匹興懷念  
良遊歲月更相及佳人獨棄予何以慰岑寂褰裳述所  
向望遠時佇立心知徒百憂沉思不能釋

阻風

晚歲多悲風江湖浪崢嶸扁舟渺無依日暮猶孤征重  
岡擁滯霧迴隰飄浮雲繫舟古岸邊纜斷舟復橫天寒  
鴻雁稀滯留知旅情頽崖震林谷客子心夜驚披衣待  
清曉缺月西南明遠遊多所懷益遣歸思盈

題嬾庵

地偏賓至稀晝靜門常掩深房紙瓦明宴坐蒲團穩庭  
花落未埽徑草繁不剪林泉倦出遊况乃市朝遠

御選宋詩

卷十八 劉子翬

六

晨興

晨興訪蕭寺爽氣清如沐坐看雨離山飛陰斷平陸歸  
途阻夕漲竚立驚幽獨曳杖聽殘鐘却寄僧房宿

懷致中

夢覺殘夜永山寒氣逾清林幽萬籟息月出虛堂明披  
衣坐復起懷人思空盈經時不對面素榻浮埃生遙知  
念盍簪臨風亦關情褰帷望岐路慨然欲宵征無人道  
我先何因識門庭仰憑鴻雁飛書詞寫深誠詞多意莫  
宣益遣幽恨并

棄竹夫人



愛憎情易遷感物思鬱紆念昔未棄捐嘗侍君子居頰襟一披豁雅抱何清虛蹉跎怨時暮涼德竟見疎飛霜皓中庭朽然委牆隅的皪珠幃深熒煌錦茵鋪豈不懷舊恩君心已非初當年紈扇搖抱恨同區區

遊龍潭

四客同笑言一僧陪杖屨徜徉山水窟適意忘晨暮疎鐘巖北寺細竹溪南路中流石參錯不礙潺湲注泓澄小龍潭潤氣金碧聚時驚木葉墜俯見儵鱗度斯遊非預期偶爾造佳處幼輿丘壑情陶令琴觴趣淹留慰所願惟以賓友故夕陽淡寒山遲回不能去

和李巽伯春懷

御選宋詩

卷一八 劉子翬

七

山寒古寺清斷續春朝雨遙憐遠客情寂寞誰晤語平生氣軒昂失意今易與有酒即佳晨無兵皆樂土微吟對節物林靜幽花吐悠悠念鄉邑耿耿悲豺虎知有濟時才縱橫在談塵功名恐未遲老翮期更舉

負暄

宵寒卧增稠晝寒起增衣何如負暄樂高堂日暉暉引光扉盡闢追影榻屢移妙趣久乃酣瞑目潛自知初如擁紅爐凍粟消頑肌漸如飲醇醪暖力中融怡欠伸百骸舒爬搔隨意爲稍回驕佚氣頓改酸寒姿薰然沐慈仁天恩豈予私願披橫空雲四海同熙熙矯首望扶桑傾心效園葵

木犀古風

化工吝幽香斑斑被花木氤氳寒巖桂高韻蓋羣馥無人盡日芳守志何幽獨士介恥求知女貞慚自鬻淒涼楚山秋樛枝吐金粟淺水映輕明微飆發含蓄樓端靜忽聞馬上遙相逐踟躕爲延竚但見林巒綠鉗罍誰折贈清芬闕廬屋久處不自知乍至彌鬱郁客悲芳歲暮夢遶寒溪曲長吟小山詞古意恐難復

春寒偶書

浮雲匿晨暉雨雹驚春晝天公號令乖陰晴變何驟小徑踐芳泥通渠走寒溜風顛萬木偃氣凜重闌透鷓鴣鸞護巢翔柰此羣雛幼擁爐烏薪然雙手慵出袖褰帷望空明屋角見遙岫良朋不可招塊處慚孤陋青青桃葉長奕奕蘭花秀長吟曷咨嗟佳辰去難又

潭溪十詠 錄六首

海棠洲

煌煌海棠洲錦樹臨清灣常恨灣頭風吹花走潺湲潺湲去不息花亦無由還

懷新亭

茅簷入竹低曠野時寓目寂寂農家春新秧滿田綠何時稻登場秋山響蓬櫟

宴坐巖

青青梳樹林下蔭蒼蘚石幽人宴坐時懷抱忘其適不



見暮樵歸寒山雨中碧

山館

春林遶舍青門館終日靜吾心樂有餘所遇皆勝境更  
鑿庭下池溶溶浸山影

涼陰軒

北窗何所見疎竹雜遙岑涼颯思有無虛簷動蕭森此  
興何由盡移牀入翠陰

南溪

聊爲溪上遊一步一回顧悠悠出山水浩浩無停注惟  
有舊溪聲萬古流不去

入白水訪劉致中昆仲

御選宋詩

卷一八 劉子翬

九

夜雨歇清曉山椒雲氣昏駕言聊出遊窈窕窮川原側  
帽避橫篠揚祛障晴暎春泉散石磴細草羅丘園陟峻  
已逾嶺窺深更緣源喬松傍澗折垂柯激潺湲過籟寒  
慘慘驚林白翻翻造幽景寥閭勝絕難具論僕夫知余  
樂踟躕爲停軒惜無徒倚地時來此開樽暮投鷺峯宿  
青燈耿柴門相從二三子交情久彌敦談元測象象攬  
佩紉蘭蓀願言固所懷丘壑吾道尊

攜筇

晨起偶無事攜筇出潭川翩翩雙鳧飛宛若導我前林  
靜滴殘雨邨深澹寒煙當春足膏澤俯夏餘清妍野溜  
綠交貫山花紅接連雄觀發新奇勝地窮攀緣據石弄

驚急班荆蔭連卷幽懷脫塵拘如超混茫先向令作興  
來未必勝偶然榮觀事多垂內取樂乃全他時誰繼遊  
此意遙相傳

續賦家園七詠

錄五首

早賦堂

南溪抱山流潤氣滋林麓平生歸歎心寄老一堂足夢  
破午窗陰清風在寒竹

萬石亭

嵐光近却無一徑緣厓斷危亭勢欲飛翠石雲中亂小  
山闕清遊懷人發長歎

百花臺

御選宋詩

卷十八

劉子羣

一

森沉徑易迷楮筇爲徘徊何處春光多時登百花臺主  
人淡無情林花爲誰開

酴醾洞

不愛酴醾花愛此酴醾樹青條含露滋輕陰覆行路晝  
永倦尋書時來散幽步

意遠亭

雨餘陂水平徙倚聊一望歸雲淡欲無宇宙何清曠吾  
心游太虛聊寄此亭上

夜行潭溪上念仲原致中喬年茂元伯達皆有  
入山期以詩趣之

長夏不見雨裊暑故相病及茲顛氣回一夕飛灑併攬



衣步新涼宇宙涵清潤月離南山高水循雙澗靜流觀  
外既洽至樂中潛應緬懷平生友契闊時光運石峯許  
尋盟有約殊未定事紛莽如塵欲埽那得盡年衰覺世  
浮慮淡知心勝良遊莫蹉跎小暇即乘興

新涼

新涼爲招客勝地非預圖前峯雨未散冷風遶吾廬披  
襟沐清駛合席隨霑濡定知喧譁中欲此一快無興來  
擴以酒草具來須臾田翁偶過我添杯坐其隅爲言秋  
暑劇稻畦日涸疎寧辭抱甕勞僅給園中蔬喜茲甘澍  
足普潤無遺墟遙山莽難分綠浪搖虛徐我病不任畊  
歲收仰微租蒙成每自愧一飽便有餘連觴使之醺醉  
御選宋詩

卷十八

劉子翬

羅願

二

語雜叫呼野人無他腸我輩恐不如

羅願

梁寺丞見示過嶺新作

凌晨登鬱孤南走韶陽道封疆有申畫山川本懷抱公  
行度寒嶺殘雪故未埽高情無南北反謂茲山小頃來  
我嘗遊亦覺山媚好前賢因遠謫我輩得幽討兩崖瞻  
欲眩數樹攀且繞想公哦新詩千騎轉林杪參伍候顏  
色約束軍聲悄韶陽古名都四十專城早重華已千歲  
蒼石在雲表魚龍舞幽壑遺韻蓋可考以茲供撫玩或  
可薦壽考公餘亦時飲未用絕芳醪行行布恩惠正直  
神可保

鹿鳴宴禮成貽解元諸友并通判寺簿及同官  
天意欲爲雨川雲出相望明時攬俊乂所立固無方少  
小諷二南美此江漢鄉猥當興能職首闢較藝場羣儒  
悅寬簡浩蕩出文章方觀縱壑魚忽作搏風翔此去升  
禮闈旋當對殿廊忠言動明主家國有輝光

鹿鳴首宵雅義取好賢深寥寥疑莫續工席有遺音詩  
言君臣間不以位相臨如禽食苹水有酒方共斟從容  
陳所好亦復有鳴琴庶使莪冠者洋洋動其心願言解  
子褐結綬貫華簪真心有相感千載豈殊今

鄭樵

滌襟

御選宋詩

卷六

羅願 鄭樵 蘇籀 王銍

七

枳棘何榛榛後狘不敢下芳苓何韡韡電霜不敢灑驂  
騶馳曲躡舉足難寬假所以古之人犁鋤聊自把

蘇籀

木犀花一首

何處聞國薌珍木秀巖谷高標蕙蘭枝妙輯沉麝酷葉  
葉秋聲中霏霏蚤英藪介特有如松繁華豈慙菊勃蔚  
襲軒墀薰沾滿衣服情人擢纖指拾藥動盈掬靡蕪見  
離騷苓藿入譜錄卉裳未可更鮑肆或爭逐亂插琉璃  
餅於斯殊不俗

王銍

送純師歸省山吉祥寺



上人峩嶠秀冥冥，聳高風依遊王公間。常帶山水容，謫  
仙信竒逸。蜀僧論絲桐，寂默誰爲聽。誤比萬壑松，崎嶇  
古今塗。勢利紛其中，晚遺似高識。物我無異同，是心湛  
寒水。處處流真空，猶嫌百年夢。剩此一杖筇，忽懷煙霞  
想。永念菽水供，身爲反哺烏。更逐高飛鴻，斜日澹歸袂。  
不似秋色濃，孤行拾黃葉。一笑千山重，桑宿揮餘戀。雲  
樓杳歸蹤，從茲與明月相伴落。何峯

送王道元運判致政歸潛皖

好山如幽人，深絕常避地。潛峯獨呈露，孤立信竒最高。  
擁一峯寒縹緲，亂雲氣萬古。招人誰與賞，心會我公  
實。仙材崑閬失，品次挽公青霞襟。來作繡衣使，終尋汗  
卻還。宋詩

卷八 王鉅

三

漫遊高舉九霄外，行色開畫圖。秋容捲新霽，造化爲我  
娛。神超物無累，我窮知音稀。與世久無味，落葉埽不禁。  
歲月水東逝，愁作送公詩。出門更何詣，贈言詞亦貧。無  
以報高誼，野宿慎衣裘。寒霜方夜墜。

繫舟餘杭門訪西湖金輪寺參上人

北郭望西湖，微徑幾尋尺。澹與人意長，雲寒正無色。深  
尋幽禪居，步轉蒼山側。落葉不可紀，遮盡山下石。師方  
無定居，我亦何所適。四海萍無歸，老矣山中客。百年熟  
機緣，還此共禪寂。語罷今古分，坐上有陳迹。一笑視此  
生，何事非戲劇。開門納遙峯，暮雨一江白。茲遊非世逢，  
歸路晚蕭瑟。積陰迷曉昏，鐘聲報將夕。

登育王山示現塔贈卿璉與三上人

危岫戴寶塔亭亭起虛空金鐸韻廣樂日夜鏘天風氣  
眞逼雲漢興逸追鸞鴻嘉有三禪子超曠棲禪宮相追  
不憚遠幽致惟我同興盡歸一默人逐歸雲東平軒架  
絕磴上與絕頂通滄溟忽破碎百川競朝宗斜陽無遠  
近山亂高低紅四表倏明晦變化安可窮夜深風雨來  
陰氣誇驕雄響劇百谷咽靜若一氣融明發石路乾清  
韻生寒松

賦得隔樹見秋燈

隔樹見秋燈青熒更可愛半籠宜葉疎微透嫌枝礙深  
誤暗蟲投靜窺棲羽在望疑簾幕中吟惜欄干外月到  
御選宋詩

卷十八

王鉉

范浚

十四

中秋招葉子謙

冷光幽風來孤影碎山客遙夜歸耿耿如相待  
堂上月已滿樽中酒更空故人眇何許出門惟清風不  
如一夕光所至皆能同悄然望玉杵無聲桂影中

范浚

凌霄花

栽松待成陰種漆擬作器人皆笑艱拙往往後得利君  
看植凌霄百尺蔓柔翠新花鬱煌煌照日吐妍媚風霜  
忽搖落大木亦彫瘁視爾託根生枯莖無殘蒂先榮疾  
蕭瑟物理固難恃凌霄亟繁華衰歇亦容易

遊蘭溪靈洞



朝曦杲晴空宿霧開紛披紫紆度墟曲犖确行溪渚橫  
橋轉山腰丹堊明招提豁訝覩陰洞欲入愁途迷流泉  
暗淙琤噴壑跳珠璣巖根石彩翠映水光參差窮高上  
蒼岑支策行欹危林端出紺宇兀與浮雲齊曾來念舊  
事歷歷經行時松長向如人今已老十圍我尚喜青鬚  
還年未生絲偕遊數君子意擬探幽竒諸峯未歷覽寒  
日還平西同攜下前麓却望蘭陰歸明年豔陽春更約  
相追隨當須各努力補屐尋幽期

寓居寶惠寺喜晴登山

喜霽出招提愛山登業茂林端已殘照路草猶半濕丹  
崖斷雲歸翠竇飛泉入長天沒鳥影遠水動虹吸塵襟  
御選定詩

卷十八

范浚 周必大

一五

得恣瞰爽氣橫來集欲逐野僧還更看空翠立

周必大

東宮出示和御製秋懷詩恭和二首

并序  
錄一首

某近者特蒙頒示御製秋懷詩繼出殿下和篇明  
良相賡徵角交作猥緣幸會獲預榮觀蟋蟀候秋  
而銓蓋亦不能自己謹成二篇繕寫投獻仰塵英  
鑑伏深震懼

沛宮歌風雲威德加四海雄詞照千古編簡亦光彩惟  
皇與同符興寄秋序改宸章振遠響寂莫咽衆籟有如  
涼颿來殘暑去安在願汛埽氛曠廓廓天宇大

次韻邢懷正孝庸通判遊蔣山

仙人薄蓬萊乘槎度河澣舊觀桑田變今訪鍾山古駕  
言出東門恍若之帝所朝曦霽青霜楓葉落紅雨亭亭  
望浮圖隱隱插天宇坡垂北溟鼇石卧南山虎遙聞飯  
後鐘絕勝紈如鼓恭惟布金地草木誰敢侮孤芳破冰  
雪喜見梅萼吐同遊皆大雅縉素競先睹巾車似元亮  
漱石雜孫楚相將挹靈泉何用照牛渚西方化人國未  
覺道修阻法筵盛龍象一一會心侶茗椀散午夢蒲團  
便軟語懸知雨花社重辨風幡舞相投甚針芥味道真  
酪乳從來草堂靈俗駕回吾祖况如雲仍輩么麼那復  
數後車倘許隨未羨黃金塢

送子開弟還江西二十韻

御選尺詩

卷一八 周必大

二

十年樂家居豈知離別愁言遊冠蓋場聚散靡自由子  
從何方來訪我金陵州情多語反默喜極涕翻流不如  
並轡出庶以寫我憂沉沉長干寺南軒清且幽烏衣訪  
王謝煙滅那可求却登覽輝亭下瞰白鷺洲羣山競合  
沓萬室相牽鈎回首指鍾阜黎明戒前騶林泉與臺殿  
勝處皆窮搜紛紛六朝舊莽莽今幾丘弔古轍未環劇  
談興方稠胡爲理書劒復欲從遠遊蹉跎六年別邂逅  
半月留臨分敢不盡苦語誠非偷期子如良農勤勤事  
西疇慎勿因水旱而令廢鋤耰豐歲會可必行行真有  
秋十月風霜動待子江之頭

陶淵明有已酉重九詩一首其以此年此日舟



次吉水距永和才一程耳輒用其韻先寄二兄  
十三弟并呈提舉七兄

王覲十五載歸來稀舊交我髯昔已華今茲固宜凋去  
國甫重五還家倏登高永和有兄弟咫尺如煙霄緬懷  
江東使地遠心更勞遙知上翠微江山勝金焦豈無茱  
萸酒望望心鬱陶相從會有日永矣非一朝

尤袤

庚子歲除前一日游茅山

犯寒出行邁值此歲云除剛風駕颿輪送我游清都華  
陽第八天仙聖之所居洞門劣容人中寬如室廬橫前  
大谿水於焉限塵區其右萬石林錯落空翠圖茅菴著  
御選宋詩

卷一八

周必大

尤袤

七

深秀細路緣崎嶇幽泉見客喜頗亦類逃虛山深日易  
曛捷徑趨元苻琳宮照金碧天籟鳴笙竽側睨白雲峯  
前瞻赤沙湖金壇聳百丈陰洞通七塗俯視人間世擾  
擾眞蟲蛆早以冗陋質忝分赤城符豈悟夙昔緣復造  
神霄墟平生夢寐處恍若登華胥歸來拜綠章足力尚  
有餘珍館十六所安能遍遨娛窮探恨不盡太息仍躊  
躇

游張公洞

并序

舟次湖汭待季父伯兄游洞靈步行五里夾道皆  
喬木參天鶴巢其上若笑若咳澗水瀧瀧鳴聲甚  
悲殆不類人間也入洞靈宮覽前賢留題徘徊久

之由石徑里許達於洞深數十丈磴道險絕俯樓  
僅可下下寬廣容數百人大石離立或下聳欲落  
若劔盾矛戟相撐拄或夔連崛起而不斷若虎豹  
蹲伏俯踞而拏攫中有小門持炬乃得入丹竈井  
曰在焉由石罅而上皆流石怪形無窮其狀旁行  
屈曲蓋深遠不可到其陽有懸崖滴乳水水流澗  
谷乍細乍大自成宮商橫澗得小閣可憩朱藤纏  
絡崖上丹花簌簌下墜芬芳襲人毛髮凜然欲少  
留而大風作遂歸余遊山川多矣茲游最可紀因  
成五百字貽我同志以備他日觀覽焉

吾聞荆漢南有地仙所宅十年勞夢想今日著脚歷扁

御選宋詩

卷六

九表

六

舟下湖洑水漲沒沙磧結纜小橋傍杖藜從此適平岡  
面陂陀疊嶂堆襞積行行三兩里夾道喬木植其木幾  
合抱其高乃千尺風生萬壑響日照四山赤時搖樹林  
杪忽見屋宇脊宮門何崢嶸古道頗修直長廊景暄暄  
崩殿人寂寂寥落昔賢題摩挲壁間墨捫蘿上層巔俯  
瞰得深窟危梯交枝撐鳥道穿詰屈投身乍寬閒跼步  
仍逼窄攀援愁顛躋傲睨驚險僻懸崖朶頰頷亂石供  
劔戟白雲何時橫乳溢或自滴中空正湏洞了不見天  
隙冥行迷近遠偃僂猶擿埴巉巖豈人工隱軫入地脉  
窮幽或篝火俯跪僅容席仙壇尚故處丹竈儼遺跡山  
蟲鳴啾啾野鼠聲噴喞傳聞父老語以往真莫測中有



白玉堂橫絕巨石室傍連洞庭野欲去不可極潛窺目  
先旋縱走膝無力遑迴步西徑突兀出峭壁攢風高枝  
繆藤蔓青陰羃芳草何芊綿丹花亦狼籍躊躇古亭上  
頽仰幽澗碧玳瑁下流水磊砢欲落石雖云培塿高氣  
與華嶽敵其南有空穴澹瀨殷幽陰風互吞吐冷氣  
森噴逼蛟龍久伏藏金玉闕簡冊靈蹤信茫昧幻怪紛  
慘戚將無神物守欲與世壤隔平生丘壑念蚤歲泉石  
癖豈不思三山所恨無六翮樂哉茲辰遊逸興潛有激  
仙翁在何許綠髮尚如昔髣髴笙簫聲徘徊鸞鶴翼俗  
緣磨不盡夢境坐形役何階築衡茅幽時窮日夕風雲  
西北起天地忽改色倉皇促歸舟造物類戲劇良遊易  
御選宋詩

卷六

九表

范成大

九

乖誤真賞難再得寄語山中人重來儻相識

范成大

六月七日夜起坐殿廡取涼

畏暑中夜起出門月露清晶熒卧銀漢錯落低玉繩網  
戶閉妙香石樓棲古燈風從何處來殿閣微涼生桂旗  
儼不動藻井森上征榱檜共突兀鬼物相枝撐彭觥鐵  
拄杖磔磔棲燕驚俗人豈解事鼻息春雷鳴大星送曉  
來四窗炯微明顥氣澡肌骨栩栩兩腋輕乘風欲歸去  
驂鸞狂青冥却恐方平知浪得狡獪名

再次韻呈宗偉溫伯

官居數椽間局促如甕牖幸鄰詩酒社金薤對玉友真

清廊廟器偉望配山斗

宗偉自號真清居士

行當侍紫極槐棘位三

九館舍有奇士

謂溫伯

高文粲參首倡酬猥及我雙松壓孤

柳生活從冷淡幸免譽與咎相從結此夏何異歸隴畝

### 過平望

寸碧闖高浪孤墟明夕陽水柳搖病綠霜蒲蘸新黃孤  
嶼乍舉網蒼煙忽鳴榔波明荇葉顫風熟蘋花香雞犬  
各村落蓴鱸近江鄉野寺對客起樓陰濯滄浪古來離  
別地清詩斷人腸亭前舊時水還照兩鴛鴦

### 九月三日宿胥口始聞雁

故人久不見乍見雜悲喜新雁如故人一聲驚我起把  
酒不能觴送目問行李曾雲行路難空濛千萬里塞北  
多關山江南渺雲水風高吹汝瘦旅伴今餘幾斜行不  
少駐減沒蒼煙裏羈遊吾亦倦客程殊未已扁舟費年  
華短纜繫沙尾物生各有役冥心聽行止江郊匝地熟  
場圃平如砥歸期且勿念共飽豐年米

### 青青礪上松送致遠入官

青青礪上松鬱鬱礪底柏松森上曾雲柏踞抱幽石偃  
植雖不同臭味乃相得千霜與百雪偶立衆芳側衆芳  
豈不好歲晏埽無迹廣廈罩羣木萬牛挽山澤松材可  
世用攀援入王國草木豈有情亦復念離析君看此翠  
柏錯莫無顏色孤陰愁月夜獨籟怨風夕蒼官何當歸  
相望長相憶

御選宋詩

卷十八

范成大

二



大暑舟行含山道中雨驟至霆奔龍挂可駭

隤雲暖前驅連鼓訖後殿駸駸失高丘擾擾暗古縣白  
龍起幽蟄黑霧佐神變盆傾耳雙聵斗暗目四眩帆重  
腹逾飽櫓潤鳴更健圓漪暈雨點濺滴走波面伶俜愁  
孤鴛颭閃亂飢燕麥老枕水卧秧稈與風戰牛蹊炭城  
沉蟻隧洶飭建水車競施行歲事敢休宴啞嘯簧鳴  
輾輓連鎖轉駢頭立婦子列舍望宗伴東枯駭西潰寸  
涸驚尺澱嗟余豈能賢與彼亦何辨扁舟風露熟半世  
江湖徧不知憂稼穡但解加餐飯遙憐老農苦敢厭遊  
子倦

秋日雜興六首

御選宋詩

卷一八 范成大

三

我友蓬蒿士却掃謝四鄰內無三尺童外無雙蒲輪豈  
非騏驥姿執轡難其人無衣可御冬忍寒待陽春仰雲  
發永歎夜作寒螿呻麥戶勸之起懷寶善自珍秋月耿  
清夜秋風捲曾雲佳哉爲誰歎定爲我與君莫嫌酒味  
薄聊復相歡欣

夕陽下桑柘餘暉挂西山西山在何許冉冉紫翠間綵  
雲無朝昏綠蘿竟暄寒昔與霞上人同跨雙飛翰上凌  
紫霄峯下弄白石湍風吹隋渺莽及此行路難佳人應  
望予我豈真忘還

秋高氣彌清歲晏天雨霜繁枝各病綠况乃枝上香向  
來不勝春渺在無何鄉樂極定自悲誰與此更張春秋

無終窮榮落殊未央

媽媽芙蓉花秀出清霜晨衆卉已昨夢孤芳若爲新寒  
蜂無儼飛一笑靜自珍誰令嬋娟姿隨此寂寞濱絕世  
貴獨立後時莫酸辛回風佐小舞薄日生微曛即事亦  
足樂何必桃李塵

蒼筠如蒼玉鄉是礪竈姿竭來西窗下死生付污泥蟲  
緣有病葉土瘦無新枝太陽豈我偏檐影爲蔽虧昔如  
松柏獨今作蒲柳衰暮夜風雨急歲晏誰與歸

屋東雙梧桐婉婉無眞姿朝爲春風條暮爲秋霜枝夜  
久風葉鳴驚鵲一再飛梧桐不足愁會有明年期人老  
眞可歎寧復遊冶時

御選尺詩

卷一八 范成大

三

曉自銀林至東灞登舟寄宣城親戚

曉山障望眼脉脉紫翠橫澄江已不見况乃江上城結  
束治野裝木末浮三星羸馬隴頭嘶小車谷中鳴亭亭  
東灞樹練練綠浦明篙師笑迎我新漲沒蘋汀徑投一  
葉去雲水相與平聊將塵土面照此玻瓈清懷我二三  
友高堂晨欲興風細桐葉墮露濃荷蓋傾凝香繞燕几  
安知路傍情

遊金牛洞題石壁上

仙翁舊遊處琅璈韻靈曲至今有餘音元鶴舞幽谷衆  
眞期我住歲晚芝田熟腰鏡從翁來籟雲跨飛鹿  
行唐邨平野晴色妍甚



暖日烘繁梅穠香撲征鞅雲煙釀春色心目兩駘蕩柳  
眉翠已掃桑眼青未放茲遊定不俗前路入千嶂

曉出古城山

落月隋渺莽殘星澹微茫竹輿亂清溪飛蓋入嵐光松  
檜霧靄濕桑麻風露香空翠滴塵纓何必濯滄浪山家  
亦早作迨此朝氣涼林深無人聲木末炊煙蒼離離瓜  
芋區肅肅棗栗場田園古云樂令我思故鄉墟市稍來  
集筠籠轉山忙吏事亦挽我歸路盤朝陽

雪後守之家梅未開呈宗偉

瓦溝凍殘雪檐溜粘輕冰破寒一竿日春隨人意生瑞  
葉再三白南枝尚含情定知司花女未肯嫁娉婷官居  
苦無賴一笑如河清落木露荒山寒溪繞孤城朝暮何  
所見雲黃叫飢鷹東風不早計愁眼何當明北鄰小橫  
斜蘚地可班荆憑君趣花信把酒撼瓊英

新館

露稻粘明璫風茅滾高浪荒煙暗白道行行亂蛩響日  
脚午未吐雲頭晚猶漲欣此半日涼籃輿走清曠病客  
不堪暑茲行天肯相蚊蟲埽無跡秋意滿千嶂稍尋泉  
石盟略褫簿書障鴿原定相念因風報無恙

盤龍驛

聞雞一唱罷占斗三星沒天高月徘徊野曠山突兀暗  
蛩泣草露怨亂語還咽涼螢不復舉點綴稻花未惟餘

絡緯豪悲壯，殷林樾小蟲。亦何情，孤客心斷絕。鬼驚板橋穿足側，石子滑行路如許難。誰能不華髮，高城謾回首。疊嶂屹天闕，遙知秋衾夢千里。一飄忽。

清逸江

微生本漁樵，長日渺江海。扣舷濯滄浪，尚說天宇隘。竭來車馬路，悒悒佳思敗。黃塵撲眉鬚，驅逐似償債。羸驂繫偏仄，狂犬吠荒怪。鄉心入旅夢，一葉舞澎湃。晨興過墟市，喜有魚蝦賣。眼明見清江，積雨助橫潰。褰裳喚扁舟，艤碇不勝載。不辭野渡險，弄水聊一快。

新嶺

瘦馬兀普騰，荒雞號莽蒼。絲窠罨朝露，籬落萬珠網。宿

御選尺詩

卷一八 范成大

三四

雲拂樹過飛泉擘，山響老桑踟潛蚪。怪蔓挂騰蟒，山行何許深。空翠滴羈鞅，釀愁積雨寒。破悶朝日放，瞳瞳赤幟張。昱昱金鉦上，浮動草花馥。清和野禽唱，僕夫有好語。沙平路如掌，惟憂三溪阻。橋斷山水漲。

祁門

石梁平波心，金刹駕巖腹。溪藤卷霜繒，山骨琢紫玉。東堂有嘉名，窈窕窗紗綠。落花掃無迹，蕉葉森似束。主人甚愛客，挽袖語陸續。衝雨出門去，役役媿童僕。

王園官舍睡起

公退閉閣卧官居，如淨坊屋角斷虹飲。日西楊柳黃客來，束我帶容去書滿牀。睡覺有忙事，煮茶翻斷香。



丙戌閏七月九日與王必大登姑蘇臺招王浚  
明陳淵叔耿時舉避暑次時舉韻

始賀火流西還嗟斗斜閨餘暑猶強顏新涼頗難進燥  
剛渴欲圻焦卷禿如燼炎官扶日轂輝赫不停運登臨  
有高臺勇往得三俊仍將王郎子飛步凌劫仞風從噫  
氣來雲作壞山陣鄉如垂頭魚忽已蟄蟲振空明晚逾  
清更要孤月印書生乃易與俛仰更喜愠憑關天爲高  
舉酒山欲近竒書鐵鉤鎖麗句錦窠暈茲遊我輩獨難  
挽軟紅韌君看籠中鳥寧識咸池韻

淵叔出米元章書蹟甚竒

玉山道中

常山多清溪玉山富喬木行色鬱蒼然頗亦慰愁目梅

御選宋詩

卷八

范成大

三

花隔籬見瓏璁照茅屋晚來風刮地想見飄香玉

湘潭道中詠芳草

積雨倏然晴秀野若新沐芳草徑寸姿中有不勝綠萋  
萋路傍情頗亦念幽獨驅馬去不顧斷腸招隱曲

謁南嶽

湘中固多山夾岸萬馬屯坡陀無敢高似遜喬嶽尊曉  
投望雲亭衆丘拱牆藩濃嵐忽飄蕩積翠浮雲端天柱  
已峻極祝融更高寒紫蓋鬱當中岡勢洶崩奔峙爲赤  
帝峯下直宮壩垣角樓捧雙闕圓方模九闈炎符撫中  
興南正實司天草木薰協氣山林奠神姦妥靈有備物  
龍卷鸞旗軒走忝桂林伯與神俱南轅上謁禮亦宜爲



國憂元元心空禍福相古井寒無瀾杯玦不用擲但願  
歸田園相傳壁畫好拂拭塵埃昏弓刀立壯士劍珮班  
靈官後宮行樂處窈窕千雲髮錦地舞月晝珠櫳侍春  
閒武氏筆已絕梗概猶清妍後宮壁畫武洞清筆極禁鬱富貴之趣  
紹興二十年火後爲兩所改後人摹舊  
蹟更畫猶有彷彿  
旋車闔廟去頗厭山市喧勝果招客遊徑排集

善果尊

遊雨勝業閣

衡嶽藏經皆錦絲竹簾護之孟蜀  
時捨簾乃其戶部侍郎彬所造

錫杖鏘古鑲山

者所遺

增孱顏上封眇孤絕南臺半雲煙碧岫有靈藥朱陵巢

洞仙

晚晴乃盡  
見諸峯

病倦懶幽討山僧鑿我頑松膠唐季枝柏

踞隋初根奇事不勝紀重遊當細論

廟路三十里夾岸大松五季時  
馬氏所植勝業寺柏不見根偃

於地出入轅龍蟠占數畝  
世所未之見傳爲隋時物

御選欠詩

卷一八 范成大

三

### 馬鞍驛飯罷縱步

食飽倦輿馬散策步前岡意行踏芳草蕭艾葑生香春  
事甚寂寥山桃帶松篁遊蜂入菜花此豈堪蜜房今年  
蠶出遲柘葉分寸長好晴纔數日歲事未渠央

興安乳洞有上中下三巖妙絕南州率同僚餞  
別者二十一人遊之

山水敦夙好煙霞痾奇懷向聞乳洞勝出嶺更徘徊雪  
林縞萬李東風知我來華裾繡高原故人紛後陪繫馬  
玉溪橋嵌根豁崔嵬蕩蕩碧瑤宮冰泉漱牆隈芝田漑  
石液深畦龍所開句我一掬慳頰此炎州埃仍呼輪袍  
舞醉倒瑞露杯但恐驚山靈腰鼓轟春雷薪翁雜餉婦



園視歡以哈茲巖何時鑿閱世幾劫灰始有此客狂後  
會真悠哉南游冠平生已去首猶回歲月可無紀三洞  
俱磨崖會有好事者摩挲讀蒼苔

全守支耀卿飲餞七里倅楊仲宣復攜具至深  
溪酌別且乞余書走筆作此兼寄耀卿

店舍煙火寒塵沙亭堠遠媽紅糝芸綠春事亦已晚年  
芳去踈踈江水來袞袞故人瀟湘逢留落一笑莞已張  
七里飲更出深溪餞草間豔紅粉竹裏趣廚傳故意如  
許長由來共鄉縣愧我不能觴負此離歌嘯別愁滿天  
末不醉何由遣却意支使君風前白波捲

題嶽麓道鄉臺

御選宋詩

卷八

范成大

三

山外江水黃江外滿城綠城外杳無際天低到平陸長  
煙貫楚尾遠勢帶吳蜀故園東北望遊子闌干曲

澧陽江

順流下沅江溯流上澧浦水深蘭芷寒漂搖憚風雨采  
采不盈掬何由寄遠渚洞庭浮天白遐矚莽吳楚有懷  
獨寤歎櫂聲與人語暮夜即維舟蒼茫定何許

渚宮野步題芳草

草色沐新雨綠潤如得意披拂欲生煙萋萋著巾袂天  
涯各芳春秦吳千萬里故人攀桂枝今夕念遊子

虎牙灘

又名金門十  
二倍屬夷陵

傾崖溜雨色慘淡水墨畫辛夷碎花懸瘰木老藤挂翠

莽楚甸窮黃流蜀江下一灘今始嘗三峽此其亞雨點  
鼓士摻雲騰挽夫跨驚心度石林破眼見邨舍牛眠草  
色裏犬吠竹林罇步頭可檣船安穩睡殘夜

蚤晴發廣安軍晚宿萍池邨莊

夜雨洗煩蒸曉風薦清穆雲頭墮鐵山日脚迸金瀑暑  
塗一日涼遠客萬事足羈人正奔波觀者何陸續翠蓋  
立嚴妝青裙行跣足俗陋介南徼物華入東蜀竹萌苦  
已青荔子酸猶綠修蘆密成籬直柏森似纛泥乾馬蹄  
鬆路坦亭堠速暮投何人莊窗戶暗修竹

蜀州西湖

荷花正盛開水月登舟亭也湖陰亭外  
別有白蓮尤奇蜀中無菱至此始見之

閒隨渠水來偶到湖光裏仍呼水月舟徑度雲錦地誰

御選宋詩

卷十八

范成大

三

云不解飲我已荷香醉湖陰玉嬋娟夏立紅妝外何須  
東閣梅悠然自詩思驚風入午暑水竹有秋意采菱不  
盈掬興與蓴鱸會遙知新津宿覓夢亦清麗

古風送南郊

廬阜有佳人顏色皦冰玉不能時世妝蕭然古冠服紛  
紜倚市門組麗眩紅綠妖歌促艷舞飛上黃金屋安知  
乘鸞侶流落隋空谷風泉入環珮月露作膏馥梁肉豈  
不珍淪雪者黃獨聊用慰朝飢歲寒膚起粟綺叢三尺  
塵無路到松竹誰能撫孤桐爲奏招隱曲



